

PJ5079 .N47

Petite grammaire Hebraique provenant de

Princeton Theological Seminary-Speer Library



1 1012 00075 6827

**Photomount
Pamphlet
Binder**
Gaylord Bros., Inc.
Makers
Syracuse, N. Y.
Pat. No. 877188

PETITE
GRAMMAIRE HÉBRAÏQUE

PROVENANT DE YEMEN

TEXTE ARABE

PUBLIÉ D'APRÈS LES MANUSCRITS CONNUS

PAR

AD. NEUBAUER




LEIPZIG
OTTO HARRASSOWITZ

1891

DÉDIÉ
EN HOMMAGE
D'ADMIRATION, DE VÉNÉRATION ET D'AMITIÉ
A
MONSIEUR JOSEPH DERENBOURG,
MEMBRE DE L'INSTITUT,

CE GRAND MAÎTRE DE LA LANGUE ET DE
LA LITTÉRATURE JUDAICO-ARABES,


A L'OCCASION
DE SON QUATRE-VINGTIÈME ANNIVERSAIRE,
LE 21 AOÛT 1891.



Digitized by the Internet Archive
in 2017 with funding from
Princeton Theological Seminary Library



AVANT-PROPOS.

 A petite grammaire que je publie me semble être l'original arabe du texte hébreu, dont M. J. DERENBOURG a donné une excellente édition dans le *Journal asiatique*, en 1870 (Série VI, tome XVI). Le texte arabe se trouve dans plusieurs manuscrits, provenant de Yemen, dont voici l'énumération: 1° A la bibliothèque Bodleienne: α) le ms. Opp. Add. 4° 158 fort endommagé, dont les trois premières feuilles manquent, et ont été remplacées par une main récente; β) le ms. coté Opp. Add. 4° 159, qui commence au mot *אלהאלה* (p. 24 l. 13). Ces deux mss. sont représentés dans mes notes par la lettre O. et O'. 2° Au Musée Britannique, le ms. marqué Oriental N° 2349; c'est le ms. le plus correct, et il est écrit avec soin; ce ms. est représenté dans les notes par la lettre L. 3° Un ms. de la bibliothèque de l'Université de Cambridge qui semble être copié sur celui du *British Museum*; il porte le n°. Add. 1174. 4° Un ms. appartenant à l'antiquaire M. FISCHL HIRSCH, à Francfort sur le Mein, ms. représenté dans mes notes par la lettre F, pour la partie que j'ai eu

l'occasion de collationner. 5° Un ms. rapporté par feu le rabbin JACOB SAPPİR, et dont il a fait une copie pour moi; si je ne me trompe, l'original se trouve dans la riche bibliothèque du Baron HORACE DE GUNZBURG à Pétersbourg. Ce ms. est daté de l'an 1791 de l'ère des Contrats ou des Seleucides, ce qui fait 1480 de l'ère vulgaire. Ce dernier ms. est très fautif et diffère souvent des autres mss., qui donnent tous le même texte. Ce ms. est représenté dans les notes par la lettre S. L'orthographe de ces mss. varie pour des mots comme כְּדָה et כְּדִי, יִסְמָה et יִסְמִי etc. ainsi que pour le ס final dans la deuxième et troisième personne des verbes passés et futurs; j'ai généralement suivi l'orthographe des mss. O' et L. Tous les mss. rendent le ט par ט et le ע par ע; je me suis cependant conformé aux usages introduits par feu M. MUNK, qui employait le ט pour exprimer le ט et le ע pour le ע. Cette méthode est presque unanimement suivie par les éditeurs des textes judaico-arabes. J'ai également substitué le ט pour le ט, dans des mots où l'on trouve un ט, bien que tous les mss. l'expriment par un ט. Enfin je me suis borné à relever seulement les variantes d'une certaine importance. Ajoutons encore que notre texte se trouve ordinairement en tête des copies du Pentateuque, suivi quelquefois de la traduction ou plutôt de l'amplification hébraïque, publiée par M. DERENBOURG.

OXFORD, le 10 août 1891.



באב (1) פי כּוּאץ אַלחרוף וּוּאידהא וּמחאלהא וּדכר
אַלּאפּתקאַראַת וּחכּם בּגּדכּפּת אַלמסנּד לַאױהּ פּי אַלדגּש וּאַלרפּי
וּאַלמלוך וּהי אַלנְקוּט וּמחאלהא וּאַלּאחאַן וּהי אַלטעמּים
וּכּדאַמּהא וּחרכאַתהאַ באַכּתצאַר:

פּצל. (2) אַעלם אַן אַללנּה אַלעבראַנייַה מרְכּבּהּ מן אַתּנין
וּעשרין חרפּא וּהי אַבּגּד וּסאַירהאַ (3) *וּהי תּסמאַ (4) חרוף
אַלקבאַלּה. וּתּנְקּסּם הּדּה אַלכּבּ חרפּא מן גּהּהּ מְכאַרְגּהאַ מן
אַחלַק אַלי כּמסּהּ אַקסאַם. אַלקסּם אַלּאול אַחַהע וּהי תּכּרַג
מן אַקצאַ אַלחלַק וּתּסמי אַלחרוף אַלחלַקייַה. וּאַלקסּם אַלּתאַני
גּיכּק מְכאַרְגּהאַ מן וּסמ אַללסאַן וּאַעלאַ אַלחנַך וּתּסמאַ אַלחרוף
אַלחנכּייַה. וּאַלקסּם אַלּתאַלּת דּטלנּת מְכאַרְגּהאַ מן טרַף אַללסאַן
מע לַחם אַלּאסנאַן וּתּסמאַ אַלחרוף אַללסאַנייַה. וּאַלקסּם אַלּראבע
וּסצרש מְכאַרְגּהאַ מן אַלּאסנאַן וּתּסמאַ אַלחרוף אַלסנייַה. וּאַלקסּם
אַלכאַמּס בּוּמַף מְכאַרְגּהאַ מן אַלשפּתין וּתּסמאַ אַלחרוף אַלשפּייַה (7):
וּאַדאַ אַרדּת אַן (8) תּערַף מְכאַרְגּ אַלחרוף פּאַנטק (9) בּכּוּאַצַהאַ
לַחתי יַתּביין לַך דּלך: וּכאַצייַה אַלחרוף הוּ מַתּל קוּלך א.ב.ג.

(1) F. commence par les mots suivants: אַן אַבּתדי אַן: אַכּתב באב.
(2) F. omet פּצל par'out. (3) La plupart des mss. donnent toutes les lettres de l'alphabet, et omettent וּסאַירהאַ.
(4) וּתּסמאַ. (5) אַלקבלּה. (6) אַללסנייַה dans tous les mss.
(7) Ainsi partout. (8) Quelques mss. omettent אַן. (9) פּאַערַף.

וכדלך סאיראה עלי הדה אלצפּה. לאנך אדא קלת אלף
 בגמלתהא פכרנת מן תלאתה מכארג לאנהא תלאתה חרוף (1)
 אלאלף מן אלחרוף אלחלקייה ואללמד מן אלחרוף אללסאנייה (2)
 ואלפי מן אלחרוף אלשפייה. וכדלך בי (3) מן מכרגין אלבי מן
 אלשפייה ואליווד מן אלחנכייה (4). והכדא גמיע אלחרוף.
 פכאצייה אלאלף (5) הו קולך א מתל מא תלפט בהא ענד אלקראה.
 פאנך (6) אדא קלת ארץ למ תלפט מן אלאלף אלא כאצייתהא (7)
 ואסקטת אללמד ואלפי לאנהם זואיד רכובהם עלי אלכאצייה
 לחתי תתבין לך כאצייה אלחרף אדא נטק באלחרוף במפרדהא
 וכדלך אלריש מן כלמה ארץ כאצייתהא ר והו אלדי ינטק בה
 וקת אלקראה ואליווד ואלשין זאידין ויסקטו וקת אלקראה. וכדלך
 אלצאר אנמא תדכר כאצייתהא ואלדאל זיאדה (8) והי תסקט (9)
 ענד אלקראה. והכדא גמיע אלחרוף אלצל פיהא (10) הו אלכאצייה
 ובאקי אלחרוף זואיד לתתמים אכראג אלחרף במפרדה. פהדה (11)
 תבין כואץ אלחרוף וזואידהא ומתאלהא:

פצל. ואמא תבין (12) אללפתקאראת פהי ארבעה. ומעני
 אללפתקאר הו אלחאגה. ודלך אנה (13) קד באן לך אן כאצייה
 אלחרף מפתקרה אלי אלזואיד לחתי יתמכן (14) אלנטק באלחרף
 במפרדה עלי אלכמאל (15) פרכבוא עלי אלחרף חרוף ליכמל
 בה (16) מתל מא זאדו למד ופי עלי א ורגעת אלף. וזאדו עלי
 בי יוד ותיו ורגעת בית. וזאדו עלי ג יוד ומים ולמד ורגעת
 נימל. והכדא סאיראה. וכל הדה ליקוי (17) אללפט בהא במפרדהא.
 *והדה (18) אללפתקאר אלאוול: ואללפתקאר אלתאני הו
 חאגה אלחרוף לבעצהא בעץ. ודלך אנך אדא (19) קלת אלף

(1) אחרף. (2) אללסנייה. (3) אלבי. (4) F. omet à partir
 de וכדלך l. i. (5) אלף. (6) לאנך. (7) בכאצייתהא. (8) אלצאר...
 פאדא, פהדא. (9) O. ajoute. ענהם. (10) פיהם. (11) פאדא, פהדא.
 (12) L. et O. omettent. תבין. (13) אן. (14) יתמכן. (15) אלכמאל.
 (16) לחתי יכמל בהא. (17) ליקול. (18) פהדא. (19) אדא אנך.

או בית או גיר דלך מן אחרוף לס יפהם מן קולך מעני גיר
 אסם אחרוף פקט. פצמוא אחרוף אלי בעצהא בעץ ליגתמע
 מנהא כלמה ויפהם אלמעני. מתאל דלך אדא נמעת אלף ומים
 וריש וקלת אמר רגעת כלמה וערף אן מענאהא קאל. וכדלך
 שין ומים וריש יטלע מנהא שמר. ועלי הדה אלצפה תרתיב (1)
 גמיע אלכלאם פצארת אחרוף מפתקרה לבעצהא (2) בעץ
 לתפהם בהא אלמעאני: ואעלם אן אלכלאם ינקסם (3) תלאתה
 אקסאם. אסם ופעל וחרף והו יסמא חרף אלמעני וחרף מוצל.
 פאלאסם כמתל (4) ראובן. שמעון. חמור. גמל. בנה. בית. כסף.
 זהב ומא ישבהה (5). ואלפעל מתל אכל. אמר. עשה. הלך או
 אמור. אכל. עשה. הלך ומא ישבה דלך. פקד באן לך אן לא
 יתמכן (6) כלאם אלא בעד תרכיב אחרוף והדא הו אלאפתקאר
 אלתאני. ואלאפתקאר אלתאלת הו האגה אלכלם אלי אלנקוט
 והי אלמלכים. וביאן דלך אנך אדא וגדת שין מים ריש והי
 שמר בגיר נקט עליהא לא תערף קראתהא מא הי הל הי שמר
 או שמר או שמר או שמר או שמר. פאדא כאן עליהא נקט
 ערפת מא הי מן האולאי פצארת אלכלם מחתאגה אלי אלנקט (7)
 צרורה: ואלאפתקאר אלראבע הו אלטעמים לאן בהא תפצל
 אלמעאני ויערף אלקסע ואלוצל ויערף אלמאצי ואלמסתקבל
 ואלתדכיר ואלתאנית. לאן לים קומי אורי כי בא אורך (ישעיה
 ס. א) מתל ליום קומי לעד (צפניה ג. ח) יי אורי וישעי (תלים כו. א)
 כמא יבין למן תאמל דלך. וכדלך הבאה הבאה שבו שבו ומא
 ישבה דלך לולא תמיוז (8) אלטעמים ותרתיבהא ללמעאני לס
 יפהם מעני גמלה פקד באן לך אן אלטעמים מחתאג אליהא
 לתבין אלמעאני פהדא תבין אלאפתקאראת:

(1) תרביב. (2) אלי בעצהא. (3) O. ajoute. (4) מתל. (5) שובי (י).
 אלנקוט. (7) ימתכן. (6) אשבה דלך; תשבהה (5)
 שובי . . . תמיוה.

פצל פי חכם⁽¹⁾ אוֹיֵהּ וּבְגִדְכֶפֶת. אעלם אן אלחרוף אלתי
 ימכן פיהא דגש ורפי הי סתה חרוף לא גיר עלאמתהא⁽²⁾
 בגדכפת לאנך תקול בב גג דד פכ פפ תת פאדא כאנת כלמה
 אוולהא חרף מן הדה אלסתה אלחרוף כאן חין בדגש וחין ברפי.
 ומערפה דלך אן תנטר אלי אלכלמה אלתי קבלהא אן כאן פי
 אכרהא חרף גיר חרוף אוֹיֵהּ כאן אלחרף אלדי פי אוול אלכלמה
 אלתאנייה אבדא בדגש מתל בראשית ברא (בראשית א. א) אלבי
 מן ברא בדגש ועלי אנהא מן בגדכפת אד ואכר אלכלמה* אלתי
 קבלהא⁽³⁾ תו ואלתו ליסת מן חרוף אוֹיֵהּ והכדא גמיע אלמקרא
 עלי הדה אלצפה. אן כאן אכר אלכלמה אלואלי חרף מן חרוף
 אוֹיֵהּ וכאן אלטעם אלדי עליהא כאדם איצא כאן אוול אלכלמה
 אלתאנייה אבדא ברפי מתל ואקחה פתלחם (בראשית יח. ה) צארת
 אלפי מן פת רפי לכון אכר ואקחה הי ואלהי מן חרוף אוֹיֵהּ
 ועלי אלחית מן ואקחה אזלה והי כאדם כמא סיבין ענד דכרנא
 אלטעמים. ואנמא כאנת חרוף אלאוֹיֵהּ תרפי אלחרף אלתאלי
 להא לכון אלאלף ואלוו ואליווד ואלהי חרוף ליינה והי תסמא
 חרוף אלמד ואללין. וללינהא אלאנוא אלחרף אלמסנד להם
 וגעלוה רפי פאעלם דלך. והכדא גמיע אלמקרא כל אוֹיֵהּ מסנד
 לבגדכפת וכאן עלי* אלכלמה אלואליה כאדם פאן חרוף בגדכפת
 תכון רפי ולא לדלך כאסר מא כלא תסעה כואסר פאנהא מן
 בגדכפת וקבלהא אוֹיֵהּ ועליהא כאדם והם בדגש* והדא
 אסמאיהם:

אסאם אלתסעה אלכואסר. (+) אוגירה. ופסיק. ורחיק. ואתי
 מרחיק. ומפיק הי. ומפיק וו. ומפיק יוד. וחרפין מתראדפין. ובי

(1) O. ajoute תבין. (2) ועלאמתהא. (3) O. אלאוולה.

(4) S. I. 19 כלמה אוֹיֵהּ טעם תכון בגדכפת דגש מתל ומי גוי גדול אלגמיע
 עלי הדה אלצפה ולא לדלך כסאר ולא כלא מן תסעה כואסר פאנהא מן בגדכפת
 וקבלהא אוֹיֵהּ ועליהמא כאדם והם בדגש והדה אסאם אלתסעה אלכואסר
 והדא אסמאהא אוגירה O. I. 21; ואסמאהא

ופי אלמרכבין: פאמא אלאוגירה ותפסירהא אלגאמעהּ פהי פי סבעהּ מואצע לא גיר פי גמיע אלמקרא. ארבעהּ פי שירת הים והם גאה גאה אלדי פי אז ישיר משה (שמות טו. יב). כי גאה גאה אלדי פי ותען להם מרים (שם כב). מי⁽¹⁾ כמכה נאדר בקדש (שם יא). ידמו כאבן (שם טו). ואלכאמסהּ פי ישעיה (נר. יב) ושמתי כדכד שמשתיך. ואלסאדסהּ פי ירמיה (כ. ט) ונלאיתי כלכל ולא אוכל. ואלסאבעהּ פי דניאל (ה. יא) וחכמה כחכמת אלהין השתכחת ביה. כל ואחרהּ מן האולאי כאן יגב אן תכון רפי לאנהא מן בגדכפת ומסנד לאויהּ ואלטעמים אלדי עליהם כדאם פכסרת אלאצל ורגעת דגש ולא יעלם מא עלתהם פי דלך. ותם כלם אכר גיר האולי כסרוא אלאצל ורגעוא דגש לכנהם כלף בין אצחאב אלדקדוק וליס מגמע עליהם מתל האולי אלמעודואת. ודלך מתל עם זו גאלת (שמות טג. יג). ויהי כשמע (בראשית לט. יט ואחרים). ויהי כראות (בראשית כד. ל ואחרים). ויהי כהוציאם אותם (שם יט. ו). ויהי כאשר תמו (דברים ב. טו) ומא אשבההם⁽²⁾. פאלקאר מכייר פיהם אן אראד יקראהם בדגש או ברפי ולא ינכר עליה לאנהם כלף⁽³⁾: ואמא אלפסיק פהו אדא כאן בין אלכלמתין⁽⁴⁾ פסיק פאנה יקטע בינהם ותכון בגדכפת בדגש מתל עשו כלה (בראשית יח. כב) כאן יגב אן יכון אלכף מן כלה רפי לולא אלפסיק אלדי גא בין אלכלמתין והכדא גמיע אלמקרא ולא לדלך כאסר. ואמא אלדחיק פהו אלציק ואלצגט אלדי יחצל בין אלכלמתין וביאנהּ הו אדא כאן בין טעם אלכלמהּ אלתי פי אכרהא חרף מן חרופ אויהּ ובין אלכלמהּ אלתאנייה אלדי אוולהא מן בגדכפת מלך ואחד פקט וכאנת קראתה מקפוזהּ מתל אלקמץ פאן בגדכפת תכון בדגש ועלי⁽⁵⁾ אן אלטעם אלדי עלי אל כלמהּ אלאולי כאדם מתל ואעידהּ במ (דברים לא. כח)

(1) כלמתין (4). כלאף (3). ושבה דלך (2). אלאולי ואלאכרי ומי (1).
אלא (5).

אד לים בין אלשופר אלדי עלי אלעין מן ואעידה ובין⁽¹⁾ אלבי
 מן במ אלא אלקמץ אלדי עלי אלדאל פקט פאנצנט וגאנת⁽²⁾
 בי במ בדגש. ולו כאן אלשופר עלי אלדאל מן ואעידה לעדם
 אלצנט וכנת בי במ רפי עלי אלאצל. וכדלך והגית בו (יהושע א. ח)
 ועבדיך באו (בראשית מב. י) וענתה בי צדקתי (שם ל. לג) ומא
 אשבה דלך. גמיעהם אתוא בדגש לכון בין אלטעם אלמתקדס
 ובינהם מלך ואחד מקפון. ואלשווא לא יחסב מן גמלה אלמלוך
 פי הדא אלמעני ולא יעבא בה. ומתי⁽³⁾ כאן בינהם מלך גיר
 הדא אלקמץ פאנה יגי רפי עלי אלאצל לאמתנאע אלהו
 ואלתקפיו מתל אשר הורדתנו בו (יהושע ב. יח) ראה נתתי בידך
 (שם ו. ב. ח. א) ומא אשבה דלך. וכדלך איצא אדא כאן בינהם
 קמץ אלא אנ⁽⁴⁾ קראתהא גיר מקפונה מתל קראה ואעידה במ
 (דברים לא. כח) פאנה יכון איצא רפי עלי אלאצל מתל ולא היה
 במ עוד רוח (יהושע ה. א) ומא אשבהה. פקד באן לך מא הו
 אלדחיק והדא אלאצל לים לה כאסר. וידכל פי הדא אלאצל
 איצא אדא כאן קבל בגדכפת כלמה מן חרפין נקטהא⁽⁵⁾ פתח
 קטן או גדול וליס עליהא⁽⁶⁾ טעם אלבתה בל מכלוטה במקף
 אלי מא בעדהא מתל מה וזה פאן בגדכפת אלמסנד להא יכון
 בדגש מתל מה תאמר נפשך (שמואל א. כ. ד) זה בני החי (מלכים
 א. ג. כג) ומה תעשה (יהושע ז. ט) מה ברי (משלי לא. ב) ומא אשבה
 דלך. ואמא אתי מרחיק פהו⁽⁷⁾ אן תכון אלכלמה אלתי אכרהא
 מן חרוף אויה פיהא מלכין או אויד מן אי אלמלוך כאנוא ולם
 יכן עליהמא טעם אלבתה בל כאנת מכלוט אלי מא בעדהא
 וכאנת אלכלמה אלתי בעדהא אולהא מן בגדכפת פאן אלכלמה
 אלאולי תהתו ותרתי עלי כלמה בגדכפת מתל חגר אלמנגניק
 וינדגש לדלך חרף בגדכפת מתל הוא יבנה בית לשמי (ד"ה. א.

(1) ומן. (2) ואנת. (3) ומתי מא. (4) ענד. (5) נקטהמא.
 (6) עליהמא. (7) פאן.

כב. י) פאן יבנה מכלוט ופיהא מלכין ואלטעם עלי הוא פקט פארטמת
 כלמױה יבנה עלי בית אד לים פיהא טעם ישׁדױה בױדתהא
 פלדלך גױת(1) בי בית בדגש וכדלך סורה שבה פה (רות ד. א)
 לאן בינהמא מלכין ושוא אד ואלטעם עלי אלסמך(2) מן סורה.
 וכדלך ואלכה אליה ואדרשה בה (שמואל ב. כת. ז) לים עלי ואדרשה
 טעם אלבתױה. וכדלך הלמתים תעשה פלא (תהלים פח. יא). ומא
 אשבה דלך ולא לה כאסר: ואמא מפיק הי פמענאה כרוג אלהי
 וטהורהא פי אללפט. ודלך אדא כאנת כלמױה אכרהא הי וכאנת
 אלהי טאהרהױ פי אללפט פאן בגדכפת אלדי בעדהא יכון בדגש
 מתל בצדה תשים (בראשית ו. טז) מחציתה בבקר (ויקרא ו. יג) וכל
 אשר אתה בבית (יהושע ו. יז) ולה גפין ארבע (דניאל ז. ו) ומה
 אשבה דלך. ועלי אן אכר אלכלמױה הי אלתי הי מן חרוף אויה
 ועליהא כאדם והי מסנדה לבגדכפת פכאן ואגבהא אן תכון
 רפי לולא טהור אלהי וכרוגהא פי אללפט ועלי הדה אלצפױה
 גמיע אלמקרא ולא(4) לדלך כאסר: ואמא מפיק וו פמענאה
 כרוג אלוו ודלך כל כלמױה יכון אכרהא וו וכאנת אלוו תכרױ פי
 אללפט פאן אלדי בעדהא יכון בדגש מתל ויצו פרעה (שמות א.
 כב ואחרים) חצרותיו בתהלה (תהלים ק. ד) ומא אשבהה. וכאן
 ואגבה(5) אן יכון רפי לולא כרוג אלוו וגמיע אלמקרא עלי הדה
 אלצפױה מא כלא כלמתין פאן אכרהם וו טאהרהױ ובעדהם רפי
 והם ונטה עליה קו תהו (ישעיה לד. יא) וקול המון שלו בה (יהוקאל
 כג. מב) פאן אלוו מן קו ומן שלו טאהרין פגא(6) בעדהם רפי
 וכסרו אלאצל וליס להם תאלת פי גמיע אלמקרא: ואמא מפיק
 יוד פמענאה איצא כרוג אליוד ודלך כל כלמױה יכון אכרהא
 יוד טאהרהױ פי אללפט פאן אלדי בעדהא יכון דגש מתל ומי
 גוי גדול (דברים ד. ז) גױת(7) גים גדול דגש לכרוג אליוד מן גוי

ואגבהא (5) וליס (4) גמיע מן (3) אלסין (2) פיכון (1)
 ואנת (7) פאגא (6)

וכדלך אולי תערוצי (ישעיה מו. יב) ומה אשבה גמיע אלמקרא
 עלי הדה אלצפה מא כלא מן כלמה ואחדה פאן אכרהא יוד
 טאהרה ובעדהא רפי והי ויי במ סיני בקדש (תהלים סח. יח) כאן
 אלואגב אן תכון בי במ דגש לכרוג אליוד מן יי אלא כסרת
 אלאצל וגנת⁽¹⁾ רפי ולא להא תאני פי גמיע אלמקרא: ואמא
 חרפין מתראדפין פהם בב ככ פקט וביאן דלך אדא כאן פי
 אול כלמה באין או כאפין מעא וכאן עלי אלחרף אלאוול שוא
 פאנהא יכונאן אלאול בדגש ללאבד ולו כאן אכר אלכלמה אלתי
 קבלהם חרף מן אויה ודלך מתל ויהי בבואה (יהושע טו. יח.)
 ותתפשהו בבגדו (בראשית לט. יב) ויהי ככלות (דברים לא. כד ואחרים)
 הלא ככרכמיש (ישעיה י. ט) ומא אשבה דלך אלגמיע עלי הדה
 אלצפה ולא לה כאסר. ובשרט אן יכון עלי אלחרף אלאול שוא
 כמא ביינא אמא אדא כאן עליהמא מלך גיר אלשוא יכונאן
 ברפי עלי אלאצל מתל והוא אשה בבתוליה יקח (ויקרא כא. יג)
 ומא אשבה⁽²⁾: ואמא בי ופי⁽³⁾ פהו כל כלמה יכון אלחרף
 אלאוול מנהא בי ואלחרף אלתאני פי וכאן עלי אלבי שוא פאנה
 יכון דגש ועלי אן קבלה מן חרוף אויה מתל ואכבדה בפרעה
 (שמות יד. ה. יז) ודברי אשר שמתו בפוך (ישעיה נט. כא) ומא אשבה
 גנת⁽⁴⁾ אלבי דגש לכון עליהא שוא ובעדהא פי פיצעב אלנקט
 בהא ברפי לזק אלפי פשוהא קאצד ליטהר אלנקט באלבי
 ואלפי באפצאח והדה אינא עלה אלחרפין אלמתראדפין כמא
 ביינא. אמא אדא כאן עלי אלבי מלך גיר אלשוא פאנה יכון
 ברפי עלי אלאצל מתל אל ירא בפלגות (איוב כ. יז) ומא אשבה⁽⁵⁾.
 פהדה תביין גמיע אלכאסר: ואעלם אן לא יוכד פי חרוף אויה
 אלתי תכון פי אואכר אלכלם אלא עלי אללפט לא עלי אלמכתוב
 מתאל דלך וירא בלק (במדבר כב. ב) לא נקול ואד אכר וירא

(1) ואנת.

(2) אשבה דלך.

(3) ופי אלמרכבין.

(4) אנת.

(5) אשבה דלך.

אלף והי מן חרוף אויה ואוול בלק בי והי מן בגדכפת ועלי
 וירא איצא כאדם פכאנת תכון בי בלק רפי עלי אלאצל בל
 אנמא נעתמד אבדא עלי אללפט. ודלך אנך אדא קלת וירא
 למ תטהר אלאלף אלבתה בל כאנהא מעדומה ולא יבאן פי
 אכר אלכלמה אלא אלריש פקט פצאר כאן אכר אלכלמה ריש
 וריש אלריש מן אויה פלדלך גאת(1) בי בלק דגש. והכדא
 גמיע מא אשבה דלך לא יעתמד פיה אלא עלי אלחרף אלאכיר
 אלטאהר פי אלחס(2) לא עלי אלמכתוב פאדא כאן אלאעתמאד
 אנמא הו עלי אללפט פכל כלמה ימכן אן יכון פי אכרהא חרף
 מן אויה ועלי אן לים הו מכתוב אד והו יחתמל אן יכון פי
 אללפט נחסבה כאנה מכתוב ויגי בעדה רפי מתל ועשית בדי
 עזי שטים (שמות כה. יג) לאן ימכן אן יכון ועשיתה מליאה בהי
 ואלהי מן אויה גאת(3) ב די רפי לאמכאן אלהי פי ועשית.
 וכדלך אין לשפחתך כל בבית (מלכים ב. ד. ב) לכון ימכן אן תכון
 שנפחתכה בהי גאת(3) אלכף [פי] כל רפי. והכדא כל מא יחתמל
 אן יכון מלא פהו עלי הדה אלצפה(4) ומן אנל הדה אלעלה
 חכזבנא והגית בו (יהושע א. ח) מן אלדחיק לכון ימכן בעד אלתי
 מן והגית הי וכדלך ועבדיך באו (בראשית מב. י) תחתמל הי בעד
 אדא כף פצאר עלי גמיע הדה אלוגוה אלאעתמאד עלי אללפט
 לא עלי אלמכתוב כמא קד תביין:

פצל פי תביין אלמלוך ומכארגהא: ואלמלוך הי אלנקוט והי
 תנסמא נגמאת וקד ביינא אלהאנה אליהא פי מא תקדם ועדד
 אלמלכים תמאנייה סבעה אצול וואחד כאדם. והאולאי אסמאיהם.
 אלאוול חולם והו אן יכון נקטה בין אלחרפין מן פוק מתל אז
 ויכמי איצא מלוא פום לאנה ימלי אלפם גמיעה וקת אלנקט
 בה. אלתאני קמץ הו כץ ונקטה תחתה והו יכון תחת אלחרף
 מן אספל מתל כרא והו משתק מן וקמץ הכהן (ויקרא ה. יב) לכונה

(1) אנת. (2) אלנטק. (3) אנת. (4) אלצורה.

יקבץ אלפם ויצממה. אלתאלת פתח והו כט פקט והו יכון מן
 אספל מתל שער וסמי פתח לכונה יפתח אלפם. ואלראבע
 סגול והו תלאת נקט מן אספל מתל ארץ ויסמא איצא פתח
 קטן לכונה יפתח אלפם בעין פתחה. ואלכאמס צרי והו נקטונן
 מן אספל מתל תבל ויסמא איצא קמין קטן. ואלסאדס חורף
 והו נקטה מן אספל מתל עיר והו משתק מן וחורק עליו שן
 (תהלים לה. יב) לאנה יצר אלאסנאן. ואלסאבע שרק ולה צורה
 אדא כאן פי אלכלמה וו פיוון נקטה פי בטן (1) אלוו מתל
 צור. ואדא לם יכן פיהא וו יכון תלאת נקט ואחדה תחת
 תאניה מאילין אלי גהה אלגנוב מתל סגלה והו משתק מן
 שריקות עדרים (שופטים ה. טו) והו אלצפיר לכונה יגמע אלשפתין
 פהאולאי אלסבעה הם אלאצול. ואלתאמן אלדי הו כאדם והו
 שוא והו נקטתין ואחדה תחת אכרי מן אספל מתל שמע. וסמי (2)
 כאדם לכונה יכדם מע בעין אלסבעה עלי חרוף אההע. וביאן
 דלך כל כלמה יכון פיהא חרף מן חרוף אההע וכאן דלך אלדרף
 מתהרך בשוא יגעלו עליה חין שוא ופתח גדול מתל אני. והא.
 חנו (במדבר יג. י). עלו. וחין יגעלוה מע פתח קטן מתל אנת.
 היה ומא אשבהה. וחין יגעלוה מע אלקמץ מתל אני דרם
 (מלכים א. י. יא) חלי. חרם ובית ענת (יהושע יט. לח) ומא אשבוץ
 ולא יכדם מע גיר האולאי (3) אלתלאתה אלמלוך אבדא. וכוי
 לא יוגד שוא ופתח או שוא וקמץ וסגול אלא עלי חרוף אה
 פקט פלאגל הדא סמי אלשוא כאדם. וקד יוגד שוא מע הו
 אלמלוך אלמכורה עלי גיר חרוף אההע מתל אלדאל מן מרד
 ואלקוף מן קדמי (דניאל ב. ו) ומא אשבהה אלא אנה לים אצ
 בל בעין אלכתאב יעמלוה ובעצהם יבטלוה. אמא חרוף אה
 פלא תכון אבדא אלא בשוא ומלך כמה ביינא. פהרה אסמ
 אלמלוך ואשכאלהא: אמא מחאלהא אעני מכארגהא פמה

(1) קלם. (2) והו יסמי. (3) הרה.

אלחולם אלפם גמיעה ודלך אנה יכרז מן אקצא אלחלק וימלי
 מייע אלפם אלי אן יכרז מן אלשפתין. ומחל אלקמין תלת
 אלסאן אלאול ואעלי אלחנך. ומחל אלפתח סטה אללסאן
 אלסאפל גמיעה. ומחל אלסגול גואנב אלפם וסטה אללסאן
 אלסאפל. ומחל אלצירי אלאסנאן והו ישק בינהמא ערצא.
 מחל אלחרק אלאסנאן איצא אלא אנה יטבקהם בקווה אלי
 אלספל. ומחל אלשרק אלשפתין יצמהא וירפעמהא אלי פוק.
 אלשווא לים לה מחל בדאתה בל הו תאבע ללמלך אלדי יכון
 מעיה. פקד באן לך מן מחאלהא אן אלחולם הו אוולהם
 מייעהם ואלתאני קמין ואלתאלת פתח גדול ואלראבע סגול
 אלכאמס צירי ואלסאדס הו אלחרק ואלסאבע הו אלשרק:

פצל פי תבין מכארג אלשווא: אלשווא ינקסם קסמין מנה
 ואין ומנה מתחרך. פאלסאכן הו כל מא כאן⁽¹⁾ חרכה לא
 תחרך בדאתה בל תאבע לחרכה גירה אלדי קבלה. פלדלך
 אן יכון אבדא אלשווא אלסאכן אלא פי וסט אלכלמה. מתל
 שמעי אלשווא אלדי עלי מים יסמא סאכן לכון אלמים גיר
 ותזרכה בדאתהא בל תכרז מע אלשין ומתל עמרי. כרמי.
 בקרי. ומא אשבה דלך. ושואין סאכנין מעא לא ימכן אלא
 דא זגדת פי וסט אלכלמה שואין יכון אלאוול סאכן ואלתאני
 לארך מתל וישמעו. וישלחו ושבההם.⁽²⁾ וקד יוגד פי בעין
 וואצע שוא ולא יערף הל הו סאכן או מתחרך מתל כלמה
 תי אוולהא הי ומים או כלמה יכון פיהא חרפין מתראדפין
 אי מערפה דלך הו אדא לקית עלי אלחרף אלדי קבל אלשווא
 אי כאן אלשווא מתחרך ואן לם תכן תם געיה פאנה יכון
 ויכון. מתאל דלך המקנא אתה לי (במדבר יא. כט) אלשווא מתחרך
 בגל אלגעיה אלתי תחת אלהי פאמסכת אלהי ואנפתח אלשווא
 מתי עלי אלמים. ואן לם יכן געיה יכון סאכן מתל מדוע בא

(1) אוול. (2) ואשבאההם.

המשגע הזה (מלכים ב. ט. יא) אלשוא סאכן וכרג אלמים מע אלהי
המשגע ואנקסמת אלכלמה והכדא כל שוא סאכן פהו יקסם אלכלמה
ויבאן דלך מן אללפט. וכדלך אלחרפין אלמתרדפין אן כאן
עלי אלחרף אלמתקדם געיה כרג אלשוא אלדי בעדה מתרדף
מתל בחצצון תמר (בראשית יד. ז) ורבו חללי יי (ישעיה סו. טז) ומא
אשבהה. (1) ואן לס תכן אלגעיה כאן אלשוא סאכן ולא יתדלך
מתל הרגו על חלליהם (במדבר לא. ח) ואשבהה (1) מא כלא מן סתה
כלם פאן עלי אלחרף אלמתקדם געיה ואלשוא אלדי בעדה
סאכן והם בצר להם ישחרנני (הושע ה. טו). זובח תודה יכבו'ג
(תלים ג. כג). אז יקראנני (משלי א. כח). ישחרנני ולא ימצאנני
(שם ו. לא). ומשחרי ימצאנני (שם ת. יז) לא גירהם. וכדלך כ
כלמה יכון אוולהא וו ובעד אלוו חרף עליה שוא אן כאן ע
אלוו אלגעיה ולם תכן אלכלמה מכלוט במקף כאן אלשוא מתד
מתל ושבה שביך (שופטים ה. יב) ואן כאנת אלכלמה במקף פאלע
סאכן ולו כאן קבלה געיה מתל ודמה לך (שה"ש ח. יד). וכדלך
גיר אלוו כל שוא יכון קבלה געיה פהו מתחרך כמה ב
ויכון אלחרף אלדי בעדה ברפי מתל לשכות (נחמיה י. לח). רבו
(במדבר י. לו). ברכות (בראשית מט. כה) ערבות מואב (במדבר לא
ומא אשבה דלך. וכל שוא סאכן לא יכון בעדה אלא
אבדא מתל דרכם לפני (יחזקאל לו. יז) אלכף בדגש לכון אל
אלדי עלי אלריש סאכן. והכדא כל מא אשבה דלך פד
אחכאם אלשוא אלסאכן: פאמא אלמתחרך פלה אחכאם כתי
ודלך אן כל שוא מתחרך לא יכון בעדה אבדא אלא רפי כ
ביינא מתל זכר (שמות לב. יג). וכל ושבההם מא כלא מן לפטה
ושתיים פאן אלתו מנהם אבדא בדגש פלדלך אחיגו (2) אן ירכ
עלי לפטה שתי שתיים אלף מדגום וקת אלקראה כאנה
אשתי אשתיים כי יסכן אלשוא ויכרג אלתיו בדגש פחצל

(1) אשבההם. (2) אחונו. MSS.

אלשוא אלמתחַדך לא יכון אלא פי אוול אלכלמה מתל שמע
 פי וסמהא (1) אדא כאן קבלה שוא סאכן מתל וישמעו או
 כאן אלחרף אלדי עליה אלשוא מדגוש פאנה יכרג צרורה
 בעדה רפי מתל מקדש. פהדה הי אלוגזה אלדי יכרג
 ויהא אלשוא. ושואין מתחַדכין מעא לא ימכן כמא לא
 שואין סאכנין מעא: ואעלם אן כל שוא מתחַדך יכון
 חרף מן חרוף אַחהע יקרא דלך אלשוא מתל קראה
 למלך אלמסנד לה אלדי עלי חרף אַחהע קראה מכפפה לא
 מתל לעולם אללמד יקרא בחולם מכפף מתל מא עלי
 וכדלך ואמר פרעה (שמות יד. ג) אלוו בקמץ מכפף. וכדלך
 לנו אנשים (שם יו. ה) אלבי בפתח מכפף. וכדלך בארץ
 אלבי בסגל מכפף. וכדלך ראה אלריש בצרי מכפף.
 דלך דעי (ירמיה ג. יג) אלדאל בחרק מכפף. והכדא גמיע
 ואן כאן מע אלשוא (2) געיה כרג אלשוא מכרג
 בעדה סוא או מלך כאן מתל והיה כרגת אלוו
 כאמל מתל אלהי כאנהא מנקוטה וְהיה. וכדלך לעולם
 מנקוטה לעולם בחולם כאמל. והכדא באקי אלמלכים
 ואם כאנהא ואם וכדלך דעו כאנהא דעו. אלגמיע עלי
 אלצפה וליס (3) דלך כאסר. ומתי מא כאן אלחרף אלדי
 מן חרוף אַחהע בטל אלשרט ולא יכרג מתל
 בעדה אצל. ודלך לאן חרוף אַחהע לא יכון עליה
 שוא ומלך פיסתכפי אלשוא באלמלך אלדי מעה
 מתל ימחאו כף (תלים צח. ח) פכרגת אלחית בשוא
 עליה וליס תכרג באלשרק אלדי עלי אלאלף
 והו אלקיאם פי אלכל: ואעלם איצא אן כל שוא
 חרף יוד פלא יכרג אלשוא אבדא אלא בחרק
 עלי אליווד כאן מא כאן מתל

(1) וסט אלכלמה. (2) אלשוא מעה. (3) ולא.

ליוסף אללמד בחרק מכפף ועלי אן בעדה חולם וכדלך לישן
 (במדבר כו. כד) ליבשה ביקב (שפטים ז. כה) ליצר (במדבר כו. מג)
 לישוי (שם מד) אלגמיע בחרק מכפף ואן כאן מע אלשוא גע-
 כרז אלשוא אבדא בחרק כאמל מתל כי ביד אשה (שפטים ד. ט)
 כאנהא ביד והו אלקיאם פי אלכל פאחפט דלך. וכל שו-
 מתחרך יכון בעדה חרף גיר חרף אחהע וגיר אליוד פלא יכ-
 אבדא אלא בפתח מכפף ולא ילתפת ללמלך אלדי בעדה מ-
 בראשית. זכור. שמע. ככלות וסאיר אלחרוף אלגמיע בפה
 מכפף (1) ואן כאן מע אלשוא געיה כרז בפתח כאמל מתל אש-
 ותורתך אמת (תלים קיט. קמב) ידבר פי (שם קמה. כא) אלגמיע בפת-
 כאמל (2) פחצל דלך. פהדה הי גמיע אחכאם אלשוא: ואעק-
 אן ואו אלעטף להא כאציייה פי במף והם אלבי ואלמים ואלפ-
 ודלך מתי כאן ואו קבל כלמה פיהא בי או מים או פי פל-
 יכרז אלואו אלא בשרק הכדא אבדא מתל ומה כאנהא (3) אומ-
 וכדלך ופה כאנהא אופה וכדלך ובא כאנהא אובא וסקט חר-
 אלואו ותציר כאנהא אלף. וכדלך כל ואו עליהא שורק וכ-
 בעדהא חרף סאכן מתל וזכרתם. וקראתם. ושמרתם ו-
 אשבההם אלגמיע יקרו באלף מכפף כאנהא אזכרתם. אקראת-
 אשמרתם ומא אשבההם הכדא אצטלאח אללגה פאעמד דלך:
 פצל פי קאנון אכתלאף בעץ אלנקט פי בעץ אלכלם
 ממחרת ממחרת חין תכון בקמץ וחין בפתח. ומערפה דלך
 אן תנפך אלחרף אלדי בעדהא אן כאן הי פהי בפתח מ-
 ממחרת השבת (ויקרא כג. יא) ממחרת הפסח (במדבר לג. ג)
 לם יכן בעדהא הי פתכון קמץ מתל וישבת המן ממחרת (יהו-
 ה. יב) והדא אצל לים לה כאסר. וכדלך אנג אנג כל מא כ-
 בעדה מים יכון פתח מתל וירם מאנג מלכו (במדבר כד. ז).

(1) S. ואשבאהם. (2) S. ומא שבאהם. (3) באלף שרוק מתל

(4) S. continue avec le chapitre suivant.

רגות (ש"א. טו. לב) ואן לם יכן בעדה מים פהו קמין מתל
 זמר אנג אכן סר (ש"א. טו. לב) ולא לדלך כאסר. וכדלך חרבות
 רבות אדא כאנת אלכלמה משתקָה מן חרב אלדי הו אלסיף
 ונת אבדא בשוא ופתח עלי אלחית ואן כאנת משתקָה מן
 לראב תכון אבדא אלחית בשוא וקמין וכאנת חרבות וליס
 לך כאסר. וכדלך אשה ואשה מתי כאנת בעדהא הי או
 יד או עין סימן הַעֵ תכון אלשין אבדא בסגול מתל אשה
 א ליי (שמות כט. יח) אשה ליי (שם מא) אשה עולה (ויקרא כח. יט).
 ו כאן בעדהא גיר האולאי תכון אבדא בצרי מתל אשה רית
 קרא א. ט) וליס לדלך כאסר. וכדלך למה ולמה חין תכון דגש
 ון תכון רפי ומערפה דלך הו אן תנטר אלחרף אלדי בעדהא
 כאן אלף או הי או עין סימן אַהֵ פהי אבדא ברפי מתל
 זה אמרת (בראשית יב. יט). למה ייי (תלים ט. א). למה עליתם
 פטים טו. י). למה הבאתם (במדבר כ. ד) מא כלא מן כמס
 וטאת בעדהם אַהֵ והם בדגש והאולאי הם למה הרגותני
 "א. כח. טו). למה הציתו עבדיך (ש"ב. יד. לא). למה אירא
 מי רע (תלים מט. ו). למה היה כאבי לנצח (ירמיה טו. יח).
 זה אככה (ש"ב. ב. כב) ועלאמתהם הרגוני העבד יראתי החלי
 ליתיו ומתי מא כאן בעדהא גיר אַהֵ פהי אבדא בדגש מא
 א מן תלאתה למה שמתני למפגע לך (איוב ז. כ). למה שכחתני
 לים מב. י). למה זנחתני (שם מג. ב). ועלאמתהם שמתני משוכח
 זנח. וכדלך כל מא כאן אלטעם עלי אללמד מן למה תכון
 דגש וכל מא כאן אלטעם עלי אלמים פהי ברפי סוא ואחדה
 רפי ואלטעם עלי אללמד והי למה שמתני למפגע לך (איוב ז. כ)
 כדאל את ואת וכל וכל וכן וכן וכן ומה ומה ואשבאהם
 ל שי מנהם קאנון ואחד וקד דכרוה אצחאב אלמסורות
 לילתמס מן מכאנה ולגעוד אלאן אלי דכר אל אלחאן ואלכדאם:
 פצל פי תבין אלטעמים: קד ביינא מנפעה אלטעמים ואנהא
 פצל אלמעאני מן בעצהא בעין ותבין איצא מעני אלכלמה

אלואחדה אדא כאן מסמועהא מענאיין ודלך מתל שבו אדא
 כאן אלטעם עלי אלשין כאן תפסירהא רגעוא. ואדא (1)
 כאן אלטעם עלי אלבי כאן מענאהא סבוא משתק מן שביד
 מתל שבו ויבזו (בראשית לז. כט). וכדלך הבאה הבאון
 תפסירהא אלדי קד דכלת. ואדא כאן אלטעם עלי אלאלף כא
 מענאהא אל דאכלה (אלתי עאר שא תדכל) ומא אשבה דלך
 פצארת עטימה אלפאידה (2) למן תחפטהא. ואן אעתרין מעתרי
 וקאל מן ולף האולאי אלמלוך ואלטעמים והיאהם עלי הדו
 אלצורה (אלתי מעני אלאן) וסמאהם בהדא אלאסמא. פליעל
 אוולא אמא הדה אלצוור ואלאשכאל והדה אלאסמאפנקו
 אנה ממא אצטלחוא עליה אלאבא אלמתקדמין מן עצר עזר
 הסופר או קבלה וגעלוא הדה צורה אלקמין (3) והדה צור
 אלפתח והדה צורה אלחולם והדה צורה אלצרי והכדא כ
 אלמלוך וכדלך הדה צורה אלזקף והדה צורה אלאתנחה והד
 צורה אלזרקה והכדא סאירהם. (4) וסמוא אשיא אלחאן ואשי
 כדאם אלכל אצטלאח וגעלוהם באלעלאמאת ואלאשארא
 ליהתדוא בהם (5) אלטאלבין ויסתרשדוא אלנאמע (6) בהנ
 כמא קאל פי עזרא ויקראו בספר בתורת האלקים מפור
 ושום שכל ויבינו במקרא (נחמיה ח. ח). וקאלו אלנאקלין ע
 מפורש זה התרגום ושום שכל אלו המסורות ויבינו במקרא א
 פסקי הטעמים (ת"ב מגלה ג. א). פימכן אן יכון עזרא ובית דינו
 אלדי ולפהם מתל מא (7) ולף אלתרגום ורתבה וולף אלברכ
 ואלתפלות ורתב אוקאתהא כדאך ולף אלנקוט ואלאלחא
 וימכן אן יכונוא מן קבל עזרא כמא קאל פי חבקוק (ב. ב) כת
 חזון ובאר על הלוח קאלו כתוב זה הכתב ובאר א
 הנקודות (?). הדא אנמא הו פי צוורהם ואשכאלהם ואסמאיד

(1) גמיעהם. (2) אלקמצה S. (3) פאידהא, אלפאיד. (4) ומתי (1)

כמא (7). אלגמיע (6). בהא.

אמא מעאניהם פהי ממשא מסיני מתל גמיע דקדוק תורה ואלכל
 תלקין מן קבלה תעאלי מתל תורה שבעל פה. וכאן אלסיד
 אלרסול יתלי עליהם אלנץ ויחכמהם קראתה באלרפע ואלצם
 ואלנצב ואלכפט ואלמסך ואלפתח ואלקטע ואלוצל וכל אלאעראב.
 וכאנת כלהא ענדהם חרכאת באללסאן ואליד איצא כמה קאלו
 לא יקנח בימין שמראה בה טעמי תורה (ת"ב ברכות סד. א) והדא הו
 אלחכם⁽¹⁾ אלחקיקי וכאן דלך ענדהם תלקין מן צדר אלי צדר.
 פלמא ראוא אבתדא אלגלות ותשתת⁽²⁾ אללגה כשווא עלי
 אנקטאעה ודתורה מן אלמלה פקאמוא ושכלוא וצוורוא וסימנוא
 וסמוהא באסמא ונקטוא פיהא אלחומשין ליתעלמוהא אלגמיע
 ותיציר לסאן אלכל פציחה בלגה אלקודש⁽³⁾ באלצם ואלפתח
 ואלרפע ואלכפט ואלאעלאן ואלנצב ואלקטע ואלוצל וכל אלאעראב
 פכאן מן הדא אן אלנגמאת ואלחרכאת אצלייה ממשא
 רבינו מסיני וצוורהם ואשכאלהם ואסמאיהם אצטלאח ולדלך
 אבקו⁽⁴⁾ ספר תורה המקודש עלי הייאתה אלמתקדמה כתאבה
 בלא נקט מתל מא הו בניר⁽⁵⁾ תרגום ואן עמל פיה נקטה
 ואחדה פקד הוסיף ופסל פאעלם דלך וחצלה: אעלם אן אלטעמים
 מנהא רייסא ומנהא כדאם. פאלרייסא הם אלדי יכון ענדהם
 קטע אלמעני ולא ינצאף אלי מא בעדה פלא יכון בעדה אבדא
 רפי. ואלכדאם תאבעין לאלחאן אעני לאלרייסא לאן אלרייסא
 הם אלמסמין אלחאן באטלאק ואלכדאם תאבעין להם ומוצלן
 אלכלאם למא בעדה והו אלמרכו אעני אלטעם. פלדלך יגי
 בעדהם אלרפי כמה ביינא. ועדד אלטעמים אלדי פי אלמקרא
 גמיעה מא כלא תלים ואיוב ומשלי אתני עשר טעם והדה
 אשכאלהם ואסמאיהם. אלאל פור והו שכל אלצאד פוק
 אלכלמה. אלתאני תלשה והי דאירה צגירה פי ראם אלכלמה.
 אלתאלת טרם והו כטין קאימין פוק אלכלמה. ואלראבע יתיב

(1) בלא. (2) ותשתתה. (3) אלקדס. (4) S. אבקו. (5) אלחכאם.

והו כֵּץ מאיל פי טרף אלכלמה מן פוק. אלכאמס זקף והו נקטתין ואחדה פוק⁽¹⁾ אכרי עלי אלכלמה. אלסאדס אתנחתו והו שכל ראס אלצאד מקלוב תחת אלכלמה. אלסאבע זרקו והו שכל צנארה פי טרף אלכלמה מן פוק. אלתאמן לגרמיו והו שכל שופר מן אספל ופסיק בעד אלכלמה. אלתאסע רבוי והו נקטה ואחדה פוק אלכלמה. אלעאשר תביר והו שכל עצה תחת אלכלמה ומעה נקטה. אלחאדי עשר טפחה והו שכי עצה תחת אלכלמה מאיל עלי אלימין. אלתאני עשר סלוי והו יסמא סוף פסוק לאנה מא יכון אלא פי אכר אלפסוק והו שכל עצה ואקף ימיל אלי אליסאר קליל. ועלאמתהם פתג יזא ולר תסס. ואלכדאם תמאנייה והדה אסמאיהם ואשכאלהם אלאוול שופר והו שכל אלשופר. אלתאני שופר הפוך והו שכי שופר מקלוב. אלתאלת תלשה צנירה והי תסמי ירח בן יומ לאנה שבה⁽²⁾ אלהלאל אוול מה יהל. אלארבע תלשה שמאי והי שכל אלתלשה אלתי הי טעם ואלפרק בינהם אן תלך⁽³⁾ פ ראס אלכלמה והדה פי אכר אלכלמה. אלכאמס אזלה והו עצה פוק אלכלמה ימיל אלי אלימין. אלסאדס מארכה והו עצה תחת אלכלמה ימיל אלי אליסאר. אלסאבע דרגה והי שכי אלדרגה⁽⁴⁾ אלתאמן נטויה והי אלמאילה ותסמא איצא דחוויד והי מתל אלטפחה. והדה אלטעמים ואלמשרתים אלתי ביינא אשכאלהם ואסמאיהם קד תכתלף צוורהם⁽⁵⁾ ובעין אסמאיהם פמן דלך אלפזר חין יסמי פזר מטלק וצורתה מתל ראס אלצו כמא ביינא. וחין תכתלף צורתה ויכון עלי הדה אלצורה והו יסמא פזר גדול ויסמי איצא קרני פרה וחכמהם ואחד פי אלקטע ואלתלשה להא צורתין אדא כאנת עלי אוול חרף מן אלכלמד תכון טעם ותקטע ואדא כאנת עלי אכר חרף מן אלכלמה תכו

(1) תחת.

(2) שכלה.

(3) אלטעם.

(4) שבה דרגה.

(5) צוור בעצהם S.

כאדם כמה ביינא ולא תקטע ולדלך יגזי בעדהא רפי. ואלטרס חין יכון אתגנין מתל ויאמר ודלך אדא כאן עלי אכר מלך מן אלכלמה אלתי הו פיהא ויסמי איצא שני גרישין. ואדא כאן פי וסט אלכלמה יכון ואחד פקט מתל ויאמר ויסמא גריש חד ואכתלאפה אנמא הו מן גהה אלעראב פי אלנגם⁽¹⁾ ואליתיב חין יכון אתגנין עלי אלכלמה ודלך אדא כאנת אלמסכה עלי וסט אלכלמה מתל מצרים פאלאול הו אלאצל לאנה עלי מוצע אלמסך ואלתאני לידל אן דלך יתיב לא אזלה. ואן כאנת אלמסכה עלי אכר אלכלמה כאן ואחד פקט פי טרף אלכלמה מתל דבר. *וחין יכון מתל שופר הפוך ואלפרק בינה ובין שופר הפוך אלכאדם אן אלטעם יכון קבל אלנקט הכדא ככה ואלכאדם בעד אלנקט הכדא אלה.⁽²⁾ ואלזקף אדא כאן וחדה מתל ישראל לא ידע יסמי קטן ואן כאן מעה עצא מתל ויאמר יסמא זקף גדול. ואלזרקה לא תוגד אבדא אלא ובעדהא סגלה והי שכל תלאת נקט עלי אכר אלכלמה מן פוק מתל ויאמר משה. וחזקתי את לב פרעה ורדף אחריהם (שמות יד. ד). ואלשופר אלפאצל בינהם לא יחסב אד הו כאדם. הכדא כל זרקה מא כלא מן⁽³⁾ ואחד פיה זרקה וליס בעדהא סגלה אלא רביע והו למשיחו לכרש אשר החזקתי בימינו (ישעיה מה. א). הדא לא גירה. וכדלך לא תוגד אבדא סגלה אלא וקבלהא זרקה. ואלסגלה הי לחן ותקטע קריב מן אלאתנחה ואנמא לס יעדוהא מע אלטעמים לכונהא מרתבטה מע אלזרקה פצארו כאנהם טעם ואחד. וכדלך אלסלסלה והי מתל וימאן (בראשית לט. ח) הי איצא טעם ותקטע ולם יעדוהא מע אלטעמים לכונהא קלילה אלוגוד גדא ולא תוגד פי אלמקרא⁽⁴⁾ אלא פי סבעה מואצע פקט כמה יבין פי אלמסורות.⁽⁵⁾ פהדא הו אלאכתלאף אלדי יוגד פי

(1) S. פקט. (2) de וחין l., 10 seulement dans S. (3) S. אלזרקה. (4) S. כ"א ספרים. (5) S. אלמסורת. באן פי אלמסורת. גמיעהא מא כלא מן פסוק.

אלאלחאן. ובקי אליתייב פקט לה שכל אכר והו יבין ענד דכרנא
אלכדאם ואלכדאם איצא תתנוּע מן דלך אלשופר ינקסם אלי
תלאתהּ אקסאם פי אללפּט לא פי אלשכל. והם שופר וצע
והו יסמי שופר מיושב. ושופר רפע. ושופר מכרבּל. ומענאה
ילף אלכלם מתל בכרבּלתהון (דניאל ג. כא). וצורתהם ואחדהּ
אלא אן אלשופר⁽¹⁾ אלדי יכון קבל אלזקף עלי אול חרף מן
אלכלמהּ יסמי מכרבּל מתל ומי גוי גדול (דברים ד. ח) ואן כאן עלי
וסט אלכלמהּ יסמא שופר רפע מתל אמר יי (שמות ד. כב). ואן
כאן קבל אלזקף שופרין יכון אלאל מכרבּל ולו כאן פי וסט
אלכלמהּ ואלתאני רפע מתל אשר כפר בהם (שם כט. לג)
ואלשופר אלדי יכון קבל אלפזר או אלתלשה או אלטרס או
אלזרקה פי בעץ אלמואצע או קבל אליתייב או אלרביע או
אלאתנחה או אלסגלה או קבל אלזקף או אלזרקה פי בעץ
אלמואצע יסמא שופר רפע. וכל דלך בחסב אלאחתמאל ומן
גההּ אלאעראב ואלשופר אלמקלוב אדא כאן עלי אלכלמהּ מן
בעד אלנקט יכון כאדם מתל את ומתל ויאמר ומא אשבההם.
ואדא כאן עלי כלמהּ מן חרפין או מן תלאתהּ חרוף וכאן קבל
אלנקט מתל ככה. אלה. כל הנקרא בשמי (ישעיה מג. ז) יכון לתן
ויקטע ויסמא יתיב מוקדם פאעלם דלך. וירח בן יומו לא יכון
אבדא אלא קבל קרני פרה אמא ותדה פלא יוגד. ואלאזלה לא
תכון אבדא אלא עלי וסט אלכלמהּ מן פוק מתל ויאמר ואדא
כאן בעדהא גריש ואחד מתל ויאמר יי יסמא חייניד אויל ואתי
אלאול כאדם ואלתאני טעם. וקד יכונו עלי פרד כלמהּ אלכאדם
ואלשעם מתל ונתתה וכתיר מתל דלך. ואלמאילהּ והי אלדחוויה
אלתי קלנא קלילהּ אלוגוד גדא ולא תוגד אלא קבל אלאתנחה
וקבל אלסלוק והי פי כמסהּ עשר מוצע פי אלמקרא פקט עשרהּ

(1) S. ואלשופר.

קבל אלאתנחה * והאולי הם ויצא נח (1) (בראשית ח. יח).
 ובאו שמה (יחזקאל יא. יח). ותאמרנה לה (רות א. י). בשבועתיכם
 (במדבר כח. כו). ומזון לכולא בה (דניאל ד. ט). וצאחבה מאפליה
 (ירמיה ב. לא). וישבו שם (שמואל ב. טו. כט). פי אלמסורות
 וכמסה קבל אלסלוק והאולי הם להחלו (2) (ויקרא כא. ד).
 לדורותיכם (שם כג. כא). וקויתי לו (ישעיה ח. ז). והאשתאולי
 (דברי הימים א. ב. גג). ממועצתיהם (הושע יא. ו). ובקי שכל
 אכר יסמי געיה והי מתל שכל אלטפחה וליס הו לא
 לחן ולא כאדם ולא יכון אבדא אלא עלי מוצע אלמסכה אלא
 אן כאנת אלכלמה אלדי הו פיהא במקף מתל לא יוכל
 (דברים כד. ד) ומא אשבהה. ומא עמל אלא לימד בעץ אחרוף
 מדא קלילא ותמתסך בה מסכא יסירא לכי תחסן בה אלקראה
 ותערב מתל ויעשו ומא אשבהה. ובעץ אלכתאב יעמלוה
 ובעצהם יבטלוה. ולדלך יקולו אין אב (3) לגעיה אי לא אצל
 להא. וקד תעמל פי בעץ אלמואצע לתפדק בין אלמעאני
 ויפהם מן לא חרכה לה מתל וייראו אן כאן עלי אליוד געיה
 כאן מענאהא אלכוף מתל וייראו מאד (שמות יד. י). ולא ילתפת
 לזיאדה אליוד לאן קד תכון וקד תסקט. ואן לס תכן עליה
 געיה כאן מן מעני אלרוייה (4) מתל ויראו השומרים (שפטים א. כד)
 וכדא יקולון כל לשון דחילא גאעי וכל לשון חזייה לא גאעי
 וכדלך וישנו אן כאן עלי אליוד געיה כאן מענאה אלנום מתל
 כי לא יישנו (משלי ד. טו) ואן לס יכן עליה געיה כאן מן מעני
 אלתתניה מתל אם תשנו יד אשלה בכס (נחמיה יג. כא) ואשבאהה
 (דלך). פקד עלמת אנהא (5) תנפע פי בעץ מואצע לתרשד
 מן לא אעתבאר לה. ואיצא (6) שכל אחר יסמי המזה ויקאל

(1) L. S. מתל ויצא נח וסאירהם כמא באן פי אלמסורות. (2) L. S.
 מענאה אלכוף. (3) O. מענאה אלכוף. (4) S. מענאה אלכוף. (5) O.
 מענאה אלכוף. (6) S. ותם. צאר קד.

לה⁽¹⁾ דרבן מענאה מהמאו והו איצא לא לחן ולא כאדם ואנמא
 יעמל ליהו אלחרף אלדי הו עליה והו צד אלגעייה לאן אלגעייה
 תמד אלחרף ואלהמוה תהוה⁽²⁾. ולא תוגד אברא אלא מע
 זקף קטן ותכון מן פוק אלחרף וצורתה מתל אלאולה סוא
 מתל⁽³⁾ והכהן (ויקרא ו: ח) והבקר (במדבר לא: לח) ומא אשבההא.
 צאר גמיע אסמא אלטעמים ואלמשרתים בחסב אכתלאף אסמאיהם
 ואשכאלהם ומואצעהם הכדא הו פור. פור גדול. תלשה
 ימין. טרס חד. שני טרסין. יתיב חד. שני יתיבין. יתיב
 מוקדם. זקף. זקף גדול. אתנחה. זרקה. סגלה. לגרמיה.
 רביע. תביר. טפחה. סלוק. שלשלת⁽⁴⁾. ואלכדאם שופר
 מיושב. ושופר מורם. ושופר מכרבל. ושופר הפוך. ותלשה
 שמאל. ותלשה קטנה. ואולה. ומארכה. ודרגה. ונטויה.
 וגעייה. * ודרבן:

פצל פי תבין חרכאת אלטעמים. אלטעמים אלאתני עשר
 מן גהה חרכאתהא תנקסם⁽⁵⁾ אלי תלתה אקסאם והם אעלאן
 ווצע ורפע. פאלאעלאן ידכל תחתה תלתה אלחאן. פור ותלשה
 וטרס ואלסלסלה מן הדא אלקסם. ומעני אלאעלאן הו אנך
 אדא קרית אלכלמה אלדי עליהא האולי אלטעמים אלמדכורין
 תרפע אלצות ותעלנה אלי פוק בקווה. ואלוצע ידכל תחתה
 תלתה אלחאן. יתיב וזקף ואתנחה. ומעני אלוצע הו אן תחט
 אלכלמה אלדי הם עליהא ולא תעלן אלצות בהא ולא תרפעה
 בל תצעה וצעה סאכנא. ואלרפע ידכל תחתה אלסתה
 אלאלחאן אלבאקיה והם אלזרקה ואללגרמיה ואלרביע ואלתביר
 ואלטפחה ואלסלוק. ומעני אלרפע אן יכון מתוסט בין אלאעלאן
 ובין אלוצע. * ומערפה דלך מן פם אלמרשד אכמל מן נטר

(1) O. ויסמי. (2) O. תהמו. (3) S. הכדא. (4) O. ajoute
 מלעיל. (5) S. n'a pas un chapitre séparé; on y lit après l. 13
 ce qui suit: תנקסם מן L. הולאי אלטעמים ינקסמו מן אנל חרכאתהם
 אנל חרכאתהא.

אלכתאב⁽¹⁾. ואעלם אן גמיע אלאלחאן ואלכדאם לא יכונא
 אבדא אלא עלי מוצע אלמסכה מן אלכלמה פלא תמסך אלא
 דלך אחרף אלדי יכונו עליה מא כלא אלתלשה ואלזרקה
 ואלסגלה פאן אלזרקה ואלסגלה לא יכונו אלא עלי אכר חרף
 מן אלכלמה אבדא פלא תמסך אנת עליהם בל אנטר מוצע
 אלמסך אלאצלי ואמסך עליה ולא תלתפת ללחרף אלדי הם
 עליה. וכדלך אלתלשה לא תכון אבדא אלא פי ראס אלכלמה
 אן כאנת לחן או עלי אכרהא אן כאנת כאדם הכדא וצעוהא
 אלאקדמון לילא תכתלף ותתבדל בגירהא פלא תמסך אנת עליהא
 בל אעתבר מוצע אלמסך אלאצלי⁽²⁾ ואמסכה פאפהם⁽³⁾ דלך:
 פצל פי תראדף אלטעמים ואלכדאם. ⁽⁴⁾ מעני אלתראדף
 הו אן יכון פזרין מעא ואחד בעד אכר או זקפין מעא ואחד
 בעד אכר ומא אשבה דלך. ואלטעמים אלדי ימכן פיהא
 אלתראדף ו והם פזר. תלשה. יתיב. לגרמיה. זקף. תביר.
 זרקה. פאלפזר קד יכון אתנין מעא מתל וימהרו וישכימו
 (יהושע ח. יד). ויכון ג מתל בני הימן בקיהו ומתניהו (דברי הימים
 א. כה. ד). ויכון ד מתל ושכניהו ויושפט ונתנאל ועמסי (דברי
 הימים א. טו. כד). ויכון ה מתל ואחיו שמעיה ועזראל מללי גללי
 (נחמיה יב. לו). וסתה סבעה ושבהה מעא לא יוגר. ופיסוק ואחד
 פי דברי הימים פיה ה לא גירה. ואכתר מן הדא לא ימכן.
 ואלפיסוק הו ועמהם אחיהם המשנים זכריהו בן ויעזיאל ושמירמות
 ויחיאל ועני אליאב ובניהו ומעשיהו ומתתיהו ואליפלהו ומקניהו
 ועובד אדום ויעיאל השוערים (דברי הימים א. טו. יח). ואלכדאם
 אלדי יגוא בינהם⁽⁵⁾ ליסת הם שי לאנהם תבאע פקט. ואלתלשה
 לם תתראדף אלא פי מוצע ואחד פקט והו בא הנה ואשלחה

(1) Manque dans L. Dans S. il y a une grande lacune après
 ואלוצע (p. 28 dernière ligne), qui est suivi dans la copie de Sappir
 par le mot פאפהם (p. 37, l. 2). (2) O. ajoute אלכלמה
 (3) O. פאחפין. (4) O. ואלמשרתים. (5) O. בעדהם.

אותך אל המלך (שמואל ב. יד. לב). ואליתיב יכון אתנין מעא מתל
 ואתה ואהרן (שמות כד. א) ושבהה ולא ימכן אכתר מן דלך. וכדלך
 אללגרמיה אתנין פקט מתל וימח את כל היקום אשר על פני
 האדמה (בראשית ז. כג). ואלזקף קד יכון אתנין (1) מתל ערב
 וידעתם (שמות טו. ו). וקד יכון תלאתה מתל כבאך בבל וראית
 וקראת (ירמיה נא. סא) ולא ימכן אכתר מן דלך. ואלתביר אתנין
 פקט מתל לרדת אל כרם נבות היזרעאלי (מלכים א. כא. טו).
 ואלזרקה תוגד אתנין מעא מתל כה אמר יהוה למשיחו
 (ישעיה מה. א). ותלאתה פי מוצע ואחד פקט והו מלאכים
 לדרוש בבעל זבוב אלהי עקרון (מלכים ב. א. טו). ואלדי לא
 יתראדפו ה והם טרס ורביע וטפחה ואתנחה וסלוק. ואלדי (2)
 יתראדפוא מן אלכדאם ג פקט והם שופר מיושב והו יתראדף
 אלי חד סתה ודלך פי כדמה אלפור פקט מתל והנותר לנשיא
 מזה ומזה לתרומת הקדש ולאחות העיר (יחזקאל מח. כא). ושופר
 רפע יתראדף אלי חד ב והו פי כדמה אלאתנחה מתל כי לא
 תחפירי (ישעיה נד. ד). וכדלך אלמארכה אלי חד ב פקט ובאקי
 אלכדאם לא יתראדפוא. ותרואדף אלמארכה יכון עלי וגהין חין
 יכוננו עלי כלמתין ואחדה בעד אכרי ודלך פי כדמה אללגרמיה
 פקט מתל אשר בית ישראל עושים פה (יחזקאל ח. ו). וחין
 יתראדפוא עלי פרד אלכלמה ויסמי מארכה מצאעפה ויקאל
 להא איצא מסכן מתל ויבא לו יין וישת (בראשית כו. כה). ולא
 תוגד אבדא אלא בין אלדרגה ואלטפחה והי פי י"ד מוצע פי
 אלמקרא פקט כמא יבין פי אלמסורות. וכדלך לא יוגד שופר
 הפוך אלא ובעדה יתיב אבדא:

פצל פי תבין כדמה אלכדאם ואללחאן. ומעני אלכדמה
 הו אן יתקדם אלכאדם קבל אללחן אלדי הו כאדם לה מתל אן
 יכון אלכאדם פי אלכלמה אלאולי ומכדומה אלדי הו אללחן פי

(1) O. ajoute מעא. (2) O. ajoute לא.

אלכלמה אלב ולא ינעכס אלאמר והו אן יתקדס אלמכרום עלי
 אלכאדם פאחפט דלך. קד עלמת אן אלכדאם ה ואדא אצפת
 אליהם שופר אלרפע ושופר מכרבב יצירוא י והדה צפה כדמתהם(1)
 אלשופר אלוצע יכדם י אלחאן והם אלפזר ואלתלשה ואלטרם
 ואלזרקה ואלרביע ואליתיב ואלתביר ולא יכדם גיראה אבדא.
 אלשופר אלרפע יכדם ג אלחאן פקט והם אלאתנחה ואלזקף
 ואלזרקה והו אדא כאן בנגבהא ולם יכן בינה ובינהא לא געיה
 ולא פסיק. אדא תבתת פיה הדה אלשרוט סמי שופר רפע ואן
 נקצת ולו ואחד יסמא שופר וצע כמא ביינא קבל. ויכדם איצא
 שופר רפע לאלסגלה ואלשופר אלמכרבב לא יכדם אלא אלזקף
 פקט עלי אלשרוט אלתי ביינאהא. אלשופר אלהפוך לא יכדם
 אלא אליתיב פקט. אלתלשה אלצנירה לא תכדם אלא אלפזר
 אלכביר פקט. אלתלשה אלשמאל תכדם(2) ד אלחאן פקט והם
 אלטרם ואליתיב ואלזרקה ואלתביר. אלאולה תכדם ד אלחאן
 פקט והם אלטרם ואליתיב ואלזרקה ואלתביר. אלמארכה תכדם
 ו אלחאן והם אליתיב ואלזרקה ואללגרמיה ואלתביר ואלטפחה
 ואלסלוק. אלדרגה תכדם לחנין פקט והם אלרביע ואלתביר.
 אלמאילה תכדם לחנין אלאתנחה ואלסלוק. וקד ביינא דלך(3).
 והדא גמיעה יבאן למן תאמלה וקת אלקראה ורצד מוצעה.
 פקד תבין לך מן הדא אן כאדם אלפזר אבדא שופר וצע ולא
 יכדמה גיראה. ואלפזר אלגדול יכון לה כאדמין שופר וצע ותלשה
 צנירה(4). וכאדם אלתלשה ואחד פקט והו שופר וצע. וכאדם
 אלטרם ג שופר וצע ותלשה ואולה. וכאדם אליתיב ה והם
 שופר וצע ושופר הפוך ותלשה שמאל ואולה ומארכה. וכאדם
 אללגרמיה ואחד פקט והו מארכה. וכאדם אלרביע ב שופר
 וצע ודרגה. וכאדם אלזרקה ה שופר וצע ותלשה שמאל ואולה

(1) O. צפתהם פי אלכרמה.

(2) O. לא תכדם אלא ד.

(3) O.

ajoute גמיעה. (4) O. קטנה.

ושופר מורם⁽¹⁾ ומארכה. וכאדם אלזקף אתנין שופר מכרבל
 ושופר רפע. וכאדם אלתביר הֶ שופר וצע ותלשה שמאל ואולה
 ומארכא ודרגה. וכאדם אלטפחה אתנין מארכה ודרגה אדא
 כאן בעדה אלמסכן. וכאדם אלאתנחה בֵּ שופר רפע ומאילה.
 וכאדם⁽²⁾ אלסלוק בֵּ מארכה ומאילה: ואעלם אן קולנא כל לחן
 וכרמה כדא וכדא מן כאדם לים הו לאום פי כל מוצע ולא
 בד בל חין יכון אללחן וחדה ולא יתקדִם קבלה כאדם וחין
 יתקדִמה כאדם ואחד או אכתר כל מוצע בחסבה עלי קדר
 אלכלם אלמנדרגֶה פי דלך אלמכאן. לאן אללחן הי כאלמראכו
 ופיהא תקטיע אלמעאני: ואלכדאם תמסך אלכלם אלמנדרגֶה
 בין⁽³⁾ מרכו ומרכו ללא תנדפק עלי בעצהא בעץ והדה הי
 פאידתהא וקד תכרֶר אלכלאם פי דלך. וקד⁽⁴⁾ לחן לא יתקדמה
 אבדא אלא כאדם ואחד. וקד [יכון] לחן יתקדמה סתֶה כדאם
 והדה תביין דלך:

פצל. אלאלחאן אלאתני עשר תנקסם פי הדא אלמעני אלי
 סתֶה אקסאם. אלקסם אלאול הו אלסלוק לא יתקדמה אבדא
 אלא כאדם ואחד והו אלמארכה מתל ואת הארץ (בראשית א. א.).
 או אלמאילה והו פי כמסה מואצע פקט כמא ביינא: אלקסם
 אלתאני הו אלזקף ואללגרמיה ואלטפחה ואלאתנחה לא יתקדמהם
 אלא כאדמין פקט. אמא אלזקף אדא תקדמה כאדם ואחד חין
 יכון שופר רפע וחין יכון שופר מכרבל עלי אלשרוט אלתי קד
 ביינאהא מתל כי הוא בין אחים יפריא (הושע א. טו). ויאמר
 משה (שמות ג. ג) תקדמה כאדמין כאן אלאול מכרבל ואלתאני
 רפע מתל אשר כפר בהם (שמות כט. לג). ואללגרמיה אדא
 תקדמה פרד כאדם פהו מארכה מתל וישלח מלך אשור (מלכים
 ב. יח. יד). ואן תקדמה כאדמין פהו שתי מארכות⁽⁵⁾ מתל כי המלט

(1) O'. רפע; L. הפוך. (2) O'. partout. (3) O. ajoute
 כל. (4) O. ajoute. (5) L. מארכתין.

אמלט⁽¹⁾ (שמואל א. כו. א.). ואלטפחה אדא תקדמהא פרד כאדם פהו מארכה מתל נחמו נחמו עמי (ישעיה מ. א.). ואן תקדמהא כאדמין כאן אלאול דרגה ואלתאני מסכן מתל למה תעשה כה לעבדיך (שמות ה. טו.). ואלאתנחה אדא תקדמהא פרד כאדם חין יכון שופר רפע והו אלאכתר מתל ברא אלהים (בראשית א. א.). ופי עשרה מואצע תכון מאילה וקד ביינא דלך. ואדא תקדמהא כאדמין כאנו שופרין רפע מתל כי לא תחפירי (ישעיה נד. ד.). ופי מוצעין פקט יכון אלאול אזלה ואלתאני מאילה והם ומזון לכולא בה (דניאל ד. ט) וצאחבה. ופי מוצע ואחד פקט אלאול מארכה ואלתאני מאילה והו אם ארץ מאפליה (ירמיה ב. לא.). ואלסגלה מן הדא אלקסם וכדאמהא שופרות⁽²⁾ כאנו ואחד או אתנין: אלקסם אלתאלת והו אלרביע יתקדמה תלאתה כדאם אדא תקדמה כאדם ואחד יכון שופר וצע אבדא מתל התעוררי התעוררי (ישעיה נא. יו.). ואדא תקדמה כאדמין כאן אלאול דרגה ואלתאני שופר וצע מתל לא בסתר דברתי (ישעיה מה. יט.). ואדא תקדמו ג כאן אלאול שופר וצע ואלתאני דרגה ואלתאלת שופר וצע איצא מתל גם בן ואח אין לו (קהלת ד. ה.). אלקסם אלראבע הו אלזרקה ואלתביר יתקדמהמא ד כדאם. אמא אלזרקה אדא תקדמהא כאדם ואחד חין יכון שופר⁽²⁾ וחין יכון מארכה מתל ויאמר יי אל משה (שמות ד. כא.). אתם מלפניך לאמר (דברים ט. ד.). ואדא תקדמהא כאדמין חין יכון אלאול אזלה וחין יכון שופר מתל וחוקתי את לב פרעה (שמות יד. ד.). ויאמר משה לפרעה התפאר עלי (שמות ח. ה.). וכדלך אלתאני חין יכון שופר וחין יכון מארכה ויכרנ מן הדא אלנטאם שואד קלילה. ואדא תקדמהא ג כאן אלאול תלשה ואלתאני אזלה ואלתאלת מארכה מתל ואשר יבא את רעהו ביער (דברים יט. ה.). ואדא תקדמהא ד יויד עלי האולאי אלתלאתה שופר וצע יכון קבלהם מתל הנני עומד

(1) המלט תמלטו, תמלטי (1). רפע O. ajoute (2).

לפניך שם עליהצור בחרב (שמות יו. ו): אלתביר אדא תקדמה
כאדם ואחד חין יכון מארכה וחין יכון דרגה מתל למען תמצו
(ישעיה סו. יא) אשר צוה יי (שמות לה. כט). ואדא תקדמה כאדמין
אלאול חין יכון שופר וחין אזלה. ואלתאני חין מארכה וחין
דרגה לא יכון אבדא אלא אחדא האולאי מתל אשר ישחטו את
העולה (יחזקאל מ. מב) ושבההם. ואדא תקדמה ג כאן אלאול
תלשה ואלתאני אזלה ואלתאלת מארכה או דרגה מתל כי אעלה
ארוכה לך (ירמיה ל. יו) ואדא תקדמה ד כאן אלאול שופר וצע
והאולאי אלתלתה בעדה מתל כל הבא אל המקום אשר נפל
שם עשהאל וימת (שמואל ב. ב. כנ): אלקסם אלכאמס הו תלשה
וטרם ויתקדמהם ה כדאם. אמא אלתלשה פלא יתקדמהא אלא
אלשופר אלוצע כאנוא כדאמהא ואחד או ה כלהם שופרות
מתל ויתן יוסף (בראשית מז. יו?). כה אמר יי (ישעיה מה. יח). וחרה
אפי בו ביום ההוא (דברים לא. יו). ויהי כאשר שמע סנבלט
החרגי (נחמיה ד. א). ועל הנחל יעלה על שפתו מזה ומזה כל
עץ מאכל (יחזקאל מז. יב). ואלטרם אדא תקדמה כאדם ואחד
חין יכון שופר מתל כי תשא (שמות ל. יא) וחין יכון אזלה מתל
ויאמר יי (בראשית ח. כא) ולא תכון אלאזלה אלא אדא כאן
אלטרם גריש ואחד כמא ביינא. ואדא תקדמה כאדמין כאן
אלאוול תלשה ואלתאני אזלה מתל ויעש לו אהוד (שופטים ג. טו).
והכדא אדא תקדמה ג כואדם או ד או ה אלאתנין אלדי בגנבה
אלאול תלשה ואלב אזלה דאים. ואלבאקי אלדי יכנוו קבלהם
כלהא שופרות מתל ויאמר חנניה לעיני כל העם (ירמיה כח. יא).
קח מטך ונטה ירך על מימי מצרים (שמות ז. יט). וישלח ישראל
מלאכים אל מלך אדום לאמר (שופטים יא. יו): אלקסם אלסאדס
הו אלפזר ואליתיב ויתקדמהם סתה כדאם. אמא אלפזר אן
כאן פזר קמן פכדאמה כלהם שופרות כאנו ואחד או סתה ואן
כאן פזר גדול כאנוא איצא כלהם שופרות אלא אלכאדם אלדי
בגנבה פאנה יכון תלשה צנירה וקד ביינא דלך. ואליתיב אדא

תקדמה כִּדָּם וְאֶחָד חֵין יִכּוֹן שׁוֹפֵר הַפּוֹךְ וְחֵין יִכּוֹן מֵאֵרְכָה מֵתֵל
פְּצָחוֹ רִנְנוּ (יִשְׁעִיה נב. ט). וַיֹּאמֶר לוֹ (בְּרֵאשִׁית כט. יד). וְאֵן תִּקְדְּמָה
כִּדְמִין כֵּאֵן אֵלֵאוֹל חֵין שׁוֹפֵר וְחֵין אֵזֵלָה וְאֵלְתָּאֵנִי שׁוֹפֵר הַפּוֹךְ
אוּ מֵאֵרְכָה מֵתֵל וְקֵרָאֵתִי עֵלָיו לְכֵל הָרִי חֵרֵב (יְחֻזְקָאֵל לֵח. כא).
וְאֵדָא תִקְדְּמָה גַּ כֵּאֵן אֵלֵאוֹל תֵּלְשָׁה וְאֵלְתָּאֵנִי אֵזֵלָה וְאֵלְתָּאֵלְתָּ
שׁוֹפֵר הַפּוֹךְ מֵתֵל וְנִבְקַע הָר הַזֹּתִים מִחֲצִיו מִזְרַחָה וַיִּמָּה (זְכִרְיָה
י. ד). וְכִדְלֹךְ אֵדָא תִקְדְּמָה דִּ כִּדָּם אוּ הֵ אוּ סִתָּה אֵלְתָּלְתָּה
אֵלְדִי בְּגִנְבָה יִכּוֹנוּ תֵלְשָׁה וְאֵזֵלָה וְשׁוֹפֵר הַפּוֹךְ לֹא יִכְתְּלוּא
וְאֵלְבוּאֵקִי אֵלְדִי קֵבֵלְהֵם יִכּוֹנוּ כֵלְהֵם שׁוֹפְרוֹת⁽¹⁾ מֵתֵל אֵל כֵּל
אֲשֶׁר יִבָּא שֵׁם נִחְלִים (יְחֻזְקָאֵל מו. ט). וְרֵאשִׁי הָאֵבוֹת לְמִטּוֹת בְּנֵי
יִשְׂרָאֵל בְּגוֹרֵל בְּשִׁילָה לְפָנַי יִי (יְהוֹשֻׁעַ יט. גא). וַיִּשְׁלַח חֻזְקִיהוּ
מֶלֶךְ יְהוּדָה אֵל מֶלֶךְ אֲשׁוּר לְכִישָׁה לֵאמֹר חֲטָאֵתִי (מִלְכִים ב. יח. יד).
פַּהֲדָה אַחֻוּאֵל אֵלְכִדָּאֵם וְעֵדְדָהֵם וְצַפְּהֵּ כֹזְמֵתָהֵם פִּי אֵלְקֵלָה
וְאֵלְכֵתְרָהּ.

פְּצַל פִּי מִגְּאֻרָהּ אֵלְאֵלְחָאֵן. מַעֲנִי אֵלְמִגְּאֻרָהּ הוּ מֵא אֵמְכֵן
מִן אֵלְאֵלְחָאֵן אֵן יִגִּי אַחְדָּהֵמָא בַּעַד אֵלְאֵכְר וְלֹא יִפְצַל בִּינְהֵם
גִּירָהֵם מִן אֵלְאֵלְחָאֵן. אֵמָא אֵלְכִדָּאֵם וְעֵלִי אֵנְהֵם קֵד יִדְכְּלוּא
בִּינְהֵם פֵּלֵא יִחְסְבוּא לֵאנְהֵם לֹא⁽²⁾ יִקְסְעוּא אֵלְמַעֲנִי בֵּל הֵם
כִּדְמִין לְמָא בַּעְדָּהֵם וּמֵאֵסְכִין אֵלְכֵלְם לֵלֵא יִנְדְּפִקוּא עֵלִי בַּעְצָהֵם
בַּעֲיָן כֵּמָא בִּינָא מֵרָאֵת. וְהֵדָּה שֵׁרַח מִגְּאֻרָתָהֵם. אֵלְפִזֹּר יִמְכֵן
בַּעְדָּה תֵּלְשָׁה וַיִּתִּיב וְתִבִיר וְטֵרַם וְלִגְרַמִּיָּה. וְגִירָהֵם לֹא יִמְכֵן אֵן
יִגְאֻרוּה אֵבְדָּא. אֵלְתֵּלְשָׁה יִמְכֵן בַּעְדָּהֵא טֵרַם וּזְרַקָּה⁽³⁾ וַיִּתִּיב
וְתִבִיר וְגִירָהֵם לֹא יִמְכֵן. אֵלְטֵרַם יִמְכֵן בַּעְדָּה רְבִיעַ וְתֵלְשָׁה וּזְרַקָּה
וְלִגְרַמִּיָּה וַיִּתִּיב וְתִבִיר וְלֹא יִגְאֻרוּה גִיר הָאֵוֹלָאֵי. אֵלְזֻקָּף יִמְכֵן
בַּעְדָּה טַפְחָה וְתִבִיר וְתֵלְשָׁה וַיִּתִּיב וְרְבִיעַ וְטֵרַם וְלִגְרַמִּיָּה וְאַתְנַחַּה
וְסִלּוֹק וְלֹא יִגְאֻרוּה גִירָהֵם. אֵלְאַתְנַחַּה יִמְכֵן בַּעְדָּהֵא גְמִיעַ אֵלְטַעֲמִים

(1) O. ajoute. וְצַע.
וְלִגְרַמִּיָּה.

(2) O. קֵד, O'. לֵם.

(3) O. ajoute

וכדלך אלסגלה יגי בעדהא אכתר אלטעמים מא כלא אלאתנחה
 ואלטפחה ואלסלוק. אללגרמיה ימכן בעדהא רביע ופזר וטרס
 ויתיב ותביר ולא יגאורה גירהם. אלרביע ימכן בעדה פזר
 ותלשה וזרקה ויתיב ותביר וטפחה פי מוצע ואחד פקט והו
 אני יי נעניתו לו בא ברוב גלוליו (יחוקאל יד. ד) ולא יגאורה
 גירהם. ואלסלוק לא ימכן בעדה שי לכונה אכר אלפיסוק⁽¹⁾.
 בקא ג אלחאן והם אלזרקה ואלתביר ואלטפחה פאן האולאי
 אלג מגאורתהם למא יגאורונה מגאורה לא תתבדל אבדא וליס
 מתל באקי אלאלחאן אלדי חין יגאורהם לחן מא וחין יגאורהם
 גירה כמא ביינא. אמא אלזרקה פלא יוגד בעדהא אלא אלסגלה
 אבדא מא כלא מן מוצע ואחד גאורהא פיה אלרביע. וקד
 דכרנאה פי מא תקדס. אמא אלתביר פלא יכון בעדה אלא
 אלטפחה מא כלא מן מוצע ואחד פיה מאילה והו אם ארץ
 מאפליה (ירמיה ב. לב). ואמא אלטפחה פלא ימכן בעדהא אבדא
 אלא אתנחה או סלוק. פהדה מגאורה אלאלחאן לבעצהא בעין:
 ואעלם אן גמיע אלטעמים יוגד מנהא ב וואיד פי פיסוק ואחד
 מא כלא מן אלאתנחה ואלסלוק לכון אלאתנחה אנמא תכון
 פי וסט אלפיסוק ואלוסט אנמא הו ואחד פקט. ואלסלוק לכונה
 אכר אלפיסוק. וכדלך גמיע אלטעמים ימכן אן יכנווא פי אוול
 אלפיסוק מא כלא מן אלסלוק לאנה לא יכון אלא פי אכר
 אלפיסוק *ולא ימכן⁽²⁾ פיסוק מן כלמה או כלמתין אלא פי
 עשרת הדברות פקט⁽³⁾: ותרתיב אלטעמים פי אלפואסיק עלי
 אלאכתר יכנווא עלי הדה אלצפה ואחד בעד אכר. בעד אלטרס
 רביע. בעד אללגרמיה רביע. בעד אלרביע יתיב. בעד אליתיב
 זקף. בעד אלזקף תביר או טפחה. בעד אלטפחה אתנחה או

פסוק toujours dans L. et O', dans les autres.

(2) L. יכון = יד. (3) L. omet des derniers quatre mots; O' de
 ולא (l. 5 d'en bas).

סלוק. בעד אלפור תלשה. בעד אלתלשה טרם. והוא אלנטאם
 אנמא הו עלי אלאכתר פקט פאפהם דלך. ולא יוגד פיסוק פי
 גמיע אלמקרא יכון פיה גמיע אלטעמים בל אכתר מא יוגד
 פיסוקים⁽¹⁾ פי כל ואחד י"א טעם. אלאול ינקצה אלפור. ואלתאני
 ינקצה אלזרקה והולאי הם. ויאמרו אליו איש עלה לקראתנו
 ויאמר אלינו לכו שובו אל המלך אשר שלח אתכם ודברתם
 אליו כה אמר יוי המבלי אין אלהים בישראל אתה שלח לדרוש
 בבעל זבוב אלהי עקרון לכן המטה אשר עלית שם לא תרד
 ממנה כי מות תמות (מלכים ב. א. ו): ויצאו יושבי ערי ישראל
 ובערו והשיקו בנשק ומגן וצנה בקשת ובחצים ובמקל יד וברמח
 ובערו בהם אש שבע שנים (יחזקאל למ. ט)⁽²⁾:

אלו הם הטעמים והמשרתים שלכל המקרא חוץ משלשה ספרים.
 תלים ואיוב ומשלי היקרים: ושלשת אלו הספרים יש להם טעמים
 ומשרתים אחרים. והם שמונה שרים ועשרה משרתים ואלו הן
 צורותם ומקרא שמותם. הראשון פזר הקול יפור. השני רביע לטעמים
 יופיע. השלישי לגרמיה והו מקל מלמעלה ופסקה בנתים תלויה.
 הרביעי הוא הזרקה תאיר כפנים וכאבוקה. החמישי הוא יתיב
 כמו פשטה מוקדמת למלך מלמטה. הששי הוא אתנחה רוחת
 ומרויחה. השביעי הוא טפחה נקודה מלמעלה ופשטה לא מזיחה.
 השמיני הוא הסלוק⁽³⁾ בו יודע סוף הפיסוק: והעשרה המשרתים
 הם שופר⁽⁴⁾ ושופר מפזז. ושופר הפוך. וצנורית. ומקל. ודחוייה
 ושוכב ונטויה. ומארכה ושלשלת. ויש פיסוק אחד באלו הספרים
 שהוא כולל כל הטעמים השרים וזה הוא. על זאת יתפלל כל

(1) O'. פיסוקין. (2) S. finit ici avec les postscript suivant:

זה הוא שראינו לכתבו והכל בדרך קצרה וברוך שעורנו על תשלומו ברוך הוא
 וברוך שמו אָנֹם. ברוך אדונינו שהפק רצונינו יתעלה ויתרומם לעד אמן:

(3) O. toujours סְלוֹק. (4) O. ajoute הפוך, omettant ce mot plus loin.

חסיד אליך לעת מצוא רק לשטף מים רבים אליו לא יגיעו
(תהלים לב. ו.)

O. שלים ולא שלמין רחמי שמיא ועבב

ברוך הנותן ליעף כוח ולאין אונים עצמה ירבה

O'. ברוך יוי לעולם אמן ואמן

L. ברוך אדונינו שהפיק רצונינו והוא ימלא משאלותינו ואנם



TABLE DE CONCORDANCE
ENTRE LES TEXTES ARABE ET HÉBREU.

Texte arabe	Manuel du lecteur
page	page
7	326
8	324 pass.
9	325
10 à 15	386 à 389
15	362
16	372
17	364
17 à 20	368 à 376
20	
21	379
22	361
23 à 28	379 à 386
28	383
29 à 30	389
30 à 32	411 à 415
32 à 35	391 à 395
35 à 37	415
37	381

DATE DUE

~~JUN 15 1999~~

DEMCO 38-297



P J 5 0 7 9

N 5 2

PETITE
GRAMMAIRE HÉBRAÏQUE

PROVENANT DE YEMEN

TEXTE ARABE

PUBLIÉ D'APRÈS LES MANUSCRITS CONNUS

PAR

AD. NEUBAUER



LEIPZIG
OTTO HARRASSOWITZ

1891

PJ5079

.N47